



Republika e Kosovës – Republika Kosova
Paneli Zgjedhor për Ankesa dhe Parashtrësia
Izborni Panel za Žalbe i Predstavke

ZL.Anr.01/2017

Paneli Zgjedhor për Ankesa dhe Parashtrësia (PZAP), në panelin e përbërë nga gjyqtarët: Dr.sc.Rafet Haxhaj kryesues, Fejzullah Rexhepi dhe Adnan Konushevc, anëtarë, me pjesëmarrjen e zyrtares e lartë ligjore Antigona Murati, duke vendosur lidhur me apelin e parashtruar nga subjekti politik Partia e Ashkanlive për Integrim(PAI) me seli në Suharekë, kundër vendimit të Komisionit Qendror Zgjedhor (KQZ) lidhur me emërimin e anëtarëve të Komisionit Komunal Zgjedhor (KKZ) në Komunën e Suharekës, për Zgjedhjet Lokale në Republikën e Kosovës 2017, në seancën e panelit të mbajtur me 07.07.2017, mori këtë:

V E N D I M

REFUZOHET si i pabazuar apeli i subjektit politik Partia e Ashkanlive për Integrim (PAI), me seli në Suharekë i parashtruar kundër vendimit të Komisionit Qendror Zgjedhor (KQZ) lidhur me emërimin e anëtarëve të Komisionit Komunal Zgjedhor (KKZ) në Komunën e Suharekës.

A r s y e t i m

PZAP-i ka pranuar një apel nëpërmjet postës nga subjekti politik Partia e Ashkanlive për Integrim (PAI) me seli në Suharekë me datën 06.07.2017 të dorëzuar nëpërmjet postës më datë 04.07.2017, kundër vendimit të KQZ-së me të cilin pretendon se KQZ nuk ka pranuar anëtarë të Komisionit Komunal Zgjedhor (KKZ) në Suharekë si në Zgjedhjet e Parakohshme Parlamentare ashtu edhe në Zgjedhjet e Rregullta Lokale. Parashtruesi i apelit thekson se si subjekt politik PAI janë fitues nga radhët e komunitetit të Suharekës.

Parashtruesi i apelit ka kërkuar nga PZAP-i që ti mundësohet pranimi i anëtarit të subjektit të tij politik Ali Shabanaj .

Në përgjigjen e ofruar nga KQZ theksohet se KQZ me datën 03.07.2017 ka marrë vendim me Nr. 1185/2017 për emërimin e anëtarëve të KKZ-ve për Zgjedhjet Lokale 2017 dhe se kriter për emërimin e KKZ-ve për zgjedhjet e parakohshme parlamentare 2017 dhe Zgjedhjet Lokale 2017 ka qenë rezultati i zgjedhjeve për Kuvendin e Kosovës të vitit 2017. Andaj duke u bazuar e këto rezultate e vitit 2014 në nivel komunal në Suharekë subjekti politik PDAK ka fituar me shume vota në nivel komunal për komunën e Suharekës.

Paneli pasi që shqyrtoi dhe analizoi shkresat e lëndës gjeti se:

Apeli është i pabazuar

Paneli i ka vlerësuar apelin e parashtruar dhe ka ardhur në përfundim se i njëjti i plotëson kushtet e përcaktuara me nenin 10 të Rregullës Nr. 02/2015- Rregullat dhe Procedurat e PZAP-it, se pala parashtruese e apelit ka të drejtën e parashtrimit të apelit dhe se PZAP-i ka kompetencën e shqyrtimit të apeleve dhe të nxjerrë vendime për apelimet e tilla. Paneli ka gjetur se përveç pretendimeve të thëna si më lartë, pala parashtruese nuk ka paraqitur asnjë provë me të cilën do të vërtetoheshin pretendimet e parashtruara në apel.

Paneli vlerëson se, pretendimet ankimore të parashtruesit të apelit se me rastin e marrjes së vendimit Nr.1185 të datës 03.07.2017 nga KQZ-ja për nominimin e anëtarëve për KKZ në Komunën e Suharekës i është bërë e padrejte dhe se subjekti politik PAI ka fituar në Zgjedhjet e Parakohshme Parlamentare 2017 më shume vota se partitë të komuniteteve tjera minoritare janë të paqëndrueshme ngase KQZ me rastin e nominimeve të anëtarëve të KKZ-ve për Zgjedhjet Lokale që do të mbahen më datë 22.10.2017 si kriter ka marrë rezultatet e zgjedhjeve për Kuvendin e Kosovës të vitit 2014 të fituara në nivel komunal nga ana e subjekteve politike. Prandaj në zgjedhjet për Kuvendin e Kosovës të vitit 2014 në nivel komunal subjekti politik PDAK ka fituar më shume vota se subjekti politik PAI. Ndërsa lidhur me pretendimin e parashtruar në apel se në zgjedhjet e fundit të parakohshme parlamentare 2017 subjekti politik PAI, ka fituar më shume vota, Paneli vendosi se këto pretendime nuk kanë referencë ligjore për tu marrë si bazë pasi që rezultatet e parakohshme parlamentare 2017 ende nuk janë certifikuar dhe se ky kriter nuk mund të merret si bazë tani për tani.

Mbi këtë bazë Paneli vlerëson se vendimi i apeluar i KQZ-së, për nominimin e kandidatit të KKZ-së në Komunën e Suharekës, është i bazuar në ligj dhe është në harmoni të plotë me nenin 67 par. 1 dhe 3 të LZP-se në të cilin KQZ-ja është përpjekur dhe ka garantuar përfaqësimin e drejtë të KKZ-së, në komunën e theksuar më lart, për të gjitha komunitetet me numër të dallueshëm të popullatës brenda një komune.

Prandaj nga arsyet e theksuara më lart si dhe duke u bazuar në dispozitat e nenit 118 par.1 të LZP-së, si dhe nenit 11 par.6 të Rregullës Nr.02/15 të PZAP-it, u vendos si në dispozitiv të këtij vendimi.

Paneli Zgjedhor për Ankesa dhe Parashtrësia
ZL.Anr.01/2017 më datën 07.07.2017.

Kryesuesi i Panelit
Dr.sc.Rafet Haxha



Këshillë Juridike:

Kundër këtij vendimi është e lejuar ankesa sipas nenit 118 par. 4 të LZP-së, në Gjykatën Supreme të Kosovës, brenda njëzetekatër (24) orëve nga momenti i marrjes-pranimi të këtij vendimi.